

Gebet am Donnerstag

Seit dem 14. Februar 2019 beten Menschen donnerstags in verschiedenen Ländern das Gebet «Schritt für Schritt». Geschrieben und organisiert von Priorin Irene Gassmann (Kloster Fahr) und durch Frauen aus unterschiedlichen kirchlichen Kontexten.

Es geht um das Wachsen eines kraftvollen Gebetsnetzes. In dieser Zeit der Veränderung soll es Mut und Zuversicht schenken, eine weitere Woche den Weg in und mit der Kirche zu gehen. – Schritt für Schritt und in Verbindung mit allen Frauen und Männern, die es sprechen.

«Pass per pass»

Dieu, ti nossa bab e nossa mamma, nus tuts savain, co ch'i stat cun nossa baselgia. Ingiustia è capitada e capita, pussanza è vegnida e vegn mal-duvrada. "Uschia na duai quai betg esser tar vus", di Jesus (Mt 20,26). Nus ta rugain per tia misericordia.

• Kyrie eleison.

Dunnas ed umens èn tras il battaisem commembers equivalents da la baselgia. En la convivenza en tuts ils servetschs ed uffizis pon els contribuir ad ina baselgia, che va regenerada en l'avegnir. Nus ta rugain per forza e confidenza.

• Kyrie eleison.

Umans vegnan cun lur brama per pasch, cuminanza e relaziun tar Dieu ed in tar l'auter. Ina baselgia credibla è averta per tut ils umans, independent da lur derivanza, naziunalitad u orientaziun sexuala. Ella è qua per umans che paran d'avair fatg naufragi en lur vita, ed als accepta cun lur rupturas e sviadas. Ella na valita e na condemna betg, ma sa fida che la forza dal spiert agescha er là, nua che quai è nunpussaivel da raschun umana. Nus ta rugain per forza e confidenza.

• Kyrie eleison.

En il temp actual, nua che tema e stretga paraliseschan e l'avegnir para d'esser stgir, dovra quai gronda fiduzia per vesair cun confidenza vinavant. I dovra la fiduzia che tras vias novas e midaments radicals vegnia stgaffi dapli da bun che tras il restar en la situaziun reala. Nus ta rugain per forza e confidenza.

• Kyrie eleison.

Dieu, ti nossa mamma e noss bab, en la fiduzia che ti es cun nus sin la via, giain nus vinavant cun ed en la baselgia; en la tradiziun da tut las dunnas e tut ils umens che han vivì ed agì avant nus or dal fieu da la forza dal spiert, che avant nus e per nus han cret e vivì. La sontga Scholastica è sa confidada da la forza da l'uraziun. En ses senn vulain nus proseguir pass per pass, urar ed agir, sco ch'ella ha fatg quai: "Giai, soras e frars, sco che vus pudais!" Pertgira nus. Saja cun nus tut ils dis fin a la fin dal mund. Per quai rugain nus ussa ed en etern. Amen.